

遇華宗理性寬公眞妙彩光完初面目分明旭轉靈根自在攢  
德火生紅焰鏡花水湧紫芒寒般已結今先賀脈嬰兒飲大丹  
文登韓公索修行

凡修鍊妙中玄裏通玄道可傳把五行無用作將四象有新鮮  
能離水金鱗騁解迎風玉腕全詰詩詞須謝蔣公同處洞中天  
贈馬鈺名

詢修鍊好追尋寸髓光寸寸金得果成無漏果分音韻有緣音  
輝月耀三田廕魄陽魂九轉臨位玲瓏眞性鈺花臺上倚瑤岑  
海

方大水敢誰猜浪銀濤類大才正三鼇金體現初九曜錦紋開  
道藏輯要

重陽全眞集

舌 上胃集一

通瑞氣明蓬島放祥岑聳玉臺此波心無地陌川東注傲然來  
贈道及韓茂先

兀騰騰任自然中認取水巾連綿俗冗何時盡器塵勞每日牽  
子拽迴無一籠兒見處有三田分清淨公休挫上言誰韓茂先  
七言絕句

遇師  
四句八上得遭逢口訣傳來便有功一粒丹砂色愈好玉華山  
上現殷紅

壽期

害風害風舊病發壽命不過五十八兩箇先生決定來一靈眞

性誠搜刷

端午

離上新池逢端午不知誰會伏龍虎白雲翠霧得逍遙勸公好  
把三光覩

兄死作

人人只會哭家親誰肯能哀自己身若把己身哀得慟無生路  
上作閑人

知縣邀余拜亡靈余不從

師僧鼓鉢讚亡靈唯有王風獨自醒若是骷髏從拜禮不從拜  
禮沒骷形

道藏輯要

重陽全真集

三五

玉皇集一

和武功趙清明

三百六十金骨節段段圓明有分別地雷震雨出山頭浣濯黃  
芽調白雪

不飲酒

醒來不飲塵中酒達後別傳物外杯莫銜白雲隨處有自然舉  
步到蓬萊

金丹

本來真性喚金丹四假為鑪鍊作圓不染不思除妄想自然衰  
出入仙壇

警知天命

得勢那堪更得時得時全不畏陰司也宜積行修因果惡業隄防有滿時

### 燒庵

茅庵燒了事休休決有人人卻要修便做惺惺誠猛烈怎生學得我風流

### 誠潘十四郎省語

王喆今逢潘利賓他能綺語敢相親想君舌竅非皮肉銀裏金楞鐵口唇

一輪明月絕纖埃一片靈光照玉臺一粒金丹人不識一生性命有誰猜

### 道藏輯要

重陽全真集

三

上胃集一

川八三

### 贈四梧公

七松處士絕囂塵五柳先生脫愛津知縣將來名遂後隨余堪喚四梧人

四株梧樹驚還訝兩本薇花笑似暄坐久清風來召我今宵卻與月爲鄰

### 贈董德夫

乘閑隨步復尋真冷淡清虛作主人光遠正堪誇綠鬢德夫依舊走紅塵

### 贈京兆杜先生

休言白雪與黃芽莫說鉛銀與汞砂試問杜公修大道崑崙山

屬甚人家

贈劉蔣村僧定院主

玉名慧定定根芽不滅無生證  
麥麻顛倒若能談定慧  
圭峯好景屬公家

贈趙資深戴月桂

此花誰悟四時開  
細細清香遠遠來  
不是姮娥曾下界  
肯留仙種世間栽

贈京兆稅院馮五郎

身賢認得得真賢  
便是逍遙陸地仙  
一點清虛歸本位  
紅霞長鎖白雲巔

道藏輯要

重陽全真集

三

上胃集一

川上三

山邊人立便爲仙  
口訣十分得寶田  
兌地言來震地說  
一中大悟便升天

紙寫放起線長牽  
斷了方知出世纏  
空外清風來駕馭  
一衝直上大羅天

塵泥莫使汙行庵  
捉住清風好放憨  
明月過來須訪我  
三般滋味一般甘

修行須是默中言  
養氣無勞靜裏喧  
占得長春真境界  
百花香裏給孤園

活死人引子

先生初離俗忽一日  
自穿一墓築塚高數尺  
上掛一方

脾寫王公靈位字下深丈餘獨居止二年餘忽然卻填  
了

活死人兮王詰乖水雲別是一懽諧道名喚作重陽子諱號稱  
爲沒地理

生來路口不忘懷行殯須是掛靈牌卽非惑眾窺圖利爲使人  
知遞儼排

### 活死人墓贈甯伯功

活死人兮活死人自埋四假便爲因墓中睡足偏惺灑孽碎虛  
空踏碎塵

活死人兮活死人不談行果不談因墓中自在如吾意占得逍

### 道藏輯要

重陽全真集

三

上胃集一  
川又三

### 遙出六塵

活死人兮活死人與公今日說洪因墓中獨死真嘉話並枕同  
棺悉作塵

活死人兮活死人火風地水要知因墓中日服真丹藥換了凡  
軀一點塵

活死人兮活死人活中得死是良因墓中闐寂真虛靜隔斷凡  
間世上塵

活死人兮活死人害風便是我前因墓中這箇真消息出水白  
蓮肯惹塵

活死人兮活死人須知五穀助身因墓中觀透真如理喫土餐

泥糞養塵

活死人兮活死人晝眠夜寢自知因墓中有箇真童子笑殺泥團塵裏塵

活死人兮活死人空空裏是空因墓中常有真空景悟得空空不作塵

活死人兮活死人活人珠玉問余因墓中境界真家計不免臨頭總化塵

天地高深覆載人人心姦巧不憑因只知名利爲身寶不悟身爲物裏塵

尋思到岸下船人笑指白雲便是因丹橘在身無價寶自然光道藏輯要

重陽全真集

无

上胃集一  
川文

耀絕纖塵

人人不作是非人遠此無由地獄因三界超昇靈物在仙宮那得有飛塵

有箇逍遙自在人昏昏默默獨知因存神養浩全真性骨體凡軀且渾塵

人能引道道親人人道從來最上因若把黑雲俱退盡放開心月照繁塵

風月爲鄰也是人水雲作伴得真因便攜鸞鶴歸蓬島此去無由卻墮塵

忽然認得岸頭人不可思量議厥因謂甚便教成一曲曲中識

破隙中塵

我今嗟彼世間人來路前生作甚因但恐性乖來路失歸時輾轉入灰塵

胎生卵濕化生人迷惑安知四假因正是泥團爲土塊聚爲身體散爲塵

酒色昏迷殺人用斯濁惡轉推因將來失卻輪迴去甘作沈淪泉下塵

外人不識裏頭人喚出門來得此因明月清風休笑我這迴似你遠紅塵

笑殺愚迷枉做人人人皆說養家因家人便是燒身火乾了泥道藏輯要

重陽全真集

三

上胃集一

川又×

團卻變塵

我今欲勸世中人正好追尋道果因稍悟這般知這箇風前揚卻一堆塵

陽人不合戀陰人都被陰人損善因鍊取純陽身七寶無生路上不生塵

閑來默坐觀常人箇箇鑽尋無路因恰似水魚魚戀水只知塵體體投塵

世上輪迴等等人各分神性各分因百年大限從胎死五蘊都歸塵下塵

穩駕青牛古聖人白牛枝葉出斯因儒醫夫子成三教墾闢愚

迷怕落塵

生來死去萬千人善果良因間有因嫉妬慳貪誇富貴我今與  
你不同塵

誰識鄜中這箇人無爲無作任其因白雲接引隨風月脫得塵  
勞出世塵

往往來來人看人人心厮算各論因三光塵外分明鑒照爾真  
形盡土塵

述懷

水雲遊歷到西方拾得真金堅又剛放在絳宮封閉了滿宮明  
耀現霞光

道藏輯要

重陽全真集

三

上胃集一

金丹頃刻刹那成不在三年九轉行同輩若能先悟此碧霞深  
處是前程

脩然獨對正峯前瑤藥瓊花景致全一粒金丹成大藥並無下  
事不須煎

玄機妙理不難窮只在无言靜默中搜出從來端的事休分南  
北與西東

會修真藥按名方搜得玄微理漸長從此烏龜投碧海火炎山  
上喜朱郎

一團眞寶漸生光四象方能盡屬陽五葉金蓮開爛熳萬絲瓊  
藥密舒張



午前子後正交鋒奪得金精顯戰功一顆人頭當下落提來歡  
喜獻丁公

金蓮一朵自生來只許高人道眼猜吸取清香頻服餌合和二  
氣結成胎

萬神精銳沒魔軍戰勝千邪不用賓獨顯光明輝日耀方知此  
處有珠珍

玉峯山上採靈芝壯氣全神主本基一點光明尤燦燦五般霞  
彩不相離

靜中勘破五行因由此能捐四假身返見本初真面目白雲穩  
駕一仙神

道藏輯要

重陽全真集

三

上胃集一

川文

於身四假乃爲賓裏面靈真是舊親獨住三峯誰作伴清風明  
月共三人

能知戈戟肯輕狂虎戰龍爭獨敢當奪得光明珠一顆便令消  
盡九冬霜

白雲堂下夜深深細雨霖鈴滴滴金好醉蓬萊須品令聲聲慢  
唱鳳簫吟

修行先要識偏傍南北東西接四方水火木金俱不用明珠一  
顆出中央

內觀一得見知音明月山頭自在吟萬首詩成誰會解若教會  
解總無心

紫靈芝甲始先萌採得來時旋旋烹玉液瓊漿和合了重樓咽  
下便長生

自從收得水中金使用刀圭剖盡陰一朵瓊花開向日晶陽返  
照運天心

馬猿捉住是修行物物皆亡總不生肯向畫樓擊更鼓天明那  
用打錚錚

修持如會識金丹只要真靈本性全請看崑崙山上景碧霞光  
彩接秦川

姓王名喆知明字道號重陽四味全一性易爲風害做千金難  
買日高眠

道藏輯要

重陽全真集

三

上胃集一

川文名

從此擘開真鐵網今朝跳出冗塵籠便將明月堪拏弄撥斷繁  
雲好害風

玄機妙理最幽深乾了銀霜死了心駕取鐵牛耕戊己滿園盡  
許種黃金

莫希奪舍學投胎便向瑤池下手栽生出白蓮花一朵清香直  
許透天台

真修得得易非難道用觀天合上天占取二山真境界玉花藥  
裏結因緣

瑤池裏面看黃芽瓊藥金枝綻玉花  
朵朵玲瓏清氣上玎璫聲  
韻屬吾家

一生清靜養三田今則方能論寂然光瑩明珠歸岳頂雲霞捧  
入大羅天

便做能尋空外響直饒會捉水中泡千機百計隨心轉怎免臨  
頭這一交

爲人不作鄉中鬼指日須歸物外仙這箇自然知去處那般消  
息便精研

喚出元初子細看瑩然結就紫金丹明明圓妙應無比五道霞  
光做一攢

能衣白布水中爭會戴青巾火裏行四味合和成一味綿綿永  
永得長生

道藏輯要

重陽全真集

卷

上冊集一

唯余會養紫金丹煅鍊成珠故不難放出光明尤燦燦萬般霞  
彩一時攢

玉液流時無箇識瓊漿湧處有誰知今朝獨灌金花樹放盡馨  
香滿四維

唯余會喫青鸞肉獨我能餐白馬肝兩段合和歸一處傍人遙  
見各心寒

驀然捉住這元初幻化方知不屬余一箇光明真了了五般彩  
豔目如如

汞鉛相見入長途性命堅牢得永甦擺徹水泉傳火氣撥開煙  
焰指冰湖

甘水鎮留題

誰識終南王害風  
長安街裏任西東  
閒來矯首滄溟上  
釣出鯨鯢未是雄

再知

一輪明月一清風  
內外交馳西復東  
袞出崑崙山頂上  
照吹明爽自爲雄

贈邱處機

細密金鱗戲碧流  
能尋香餌會吞鈎  
被余緩緩收輪線  
拽入蓬萊永自由

贈桑公之子

道藏輯要

重陽全真集

三

上曹集一

桑公積行久深洪  
鑄此兒郎事事通  
稍悟內歡非外樂  
好求月上弄清風

唐公求修行

修行切忌順人情  
順著人情道不成  
奉報同流如省悟  
心間悟得是前程

學道修真非草草  
時時只把心田掃  
悟超全在絕塵情  
天若有情天亦老

贈諸生

諸公在坐盡高才  
俊又聰明道眼開  
莫爲功名牽繫住  
也應隨我到蓬萊

甯海乞化書紙旗上

害風人問有何憑術法俱無總不能每日作爲只此是上頭喫飯下頭登

贈登州奉道

一輪明月吐光輝桂樹香傳十九枝正到中更當子午放開靈耀射瑤池

贈馬鈺先生嘗於陝西作此詩及到甯海軍馬鈺初相見得姓名再書以贈之

一別終南水竹村家無兒女亦無孫三千里外尋知友引入長生不死門

道藏輯要

重陽全真集

三

上曹集一

白晝骷髏

此是前生王害風因何偏愛走西東任你骷髏郊野外逍遙一性月明中

贈皇哥

多收慧草廣添油一點明燈在裏頭照見五門皆洞達教公拍手笑無休

贈孫二姑二姑乃馬鈺室家先生兩次以梨剖剖與夫妻分食之意欲俱化也鈺從化一年許孫氏亦出家奉道

分梨十化是前年天與佳時主自然爲甚當時不出離元來直待結金蓮

在家只是二婆呼出得家緣沒火爐跳入白雲超苦海教人永  
永喚仙姑

馬鈺從化以此贈之

擲下金鈎恰一年方吞香餌任綸牽玉京山上爲鵬化隨我扶  
搖入洞天

無常鐘

鐘不依時聽者愁定知人世此時休數聲又逐斜陽去送客無  
言暗點頭

馮先生求問

百年光陰總不同迴頭便是出迷蒙教公對景知顛倒孽碎微

道藏輯要

重陽全真集

三 上卷集一

塵踏碎空

圓相

一輪圓相自家知王喜於中正是時袞出崑崙山頂上爽邀風  
月到天池

織造人

織造之人得也麼街前猶自騁機梭若還似我逍遙客爭肯千  
頭萬緒多

雪

六花偏與我相違飄落人間壓是非碧洞自溫無四序肯教點  
汗六銖衣

題竹

人言瀟灑月明中我道清虛本意深不是害風來到此恣生引  
動此君吟

題淨業寺月桂

識將月桂土中栽爭忍塵凡取次開折得一枝攜在手卻將仙  
種赴蓬萊

七言絕句詩 藏頭

贈萊州平等會首徐守道

來乞覓意何如口言公善事舒內珠珍常自守心先祖姓其徐

贈仁法師講懺

道藏輯要

重陽全真集

三

上胃集一

能消懺勸人初利天中自展舒利佛前香篆起知師父作真如

贈京兆馮五郎

休棄業莫別妻姪兒嬰自有時把心香頻爇起將名姓達瑤池  
言可語沒人磨內深藏玉潤和納甘津公莫怪家也得喚馮哥

京兆來學正覓墨

中松寶號陳玄一幽微貴遠煙裏鍊成三箇字來便是大羅天

贈張曲通

已仁人號曲通平者也有奇功田不悟清涼境道先生守固窮

驪山

常訪飲樂真閑間金花鎮遠山自神仙來此地知身在白雲間

文官花

時春景好頻看靚羣花不一般岸得超堪可賦官園裏見文官  
贈京兆杜先生

要直分行要清源澄澈稱知明中見黑銀蟾吐苦心甜顯志誠  
吹玉笛舞嬰哥面金花瑩不磨女唱時休占認中拍手笑呵呵  
因茶坊賈四郎換茶

靈木德歲新芽舌甘津別有華得風生勝杖柱翁歡喜喚新茶  
剔燈杖

妙身生百草叢來折得浸油中端會把昏燈撥出靈光顯爾功  
邀客賞清明

道藏輯要

重陽全真集

堯

上胃集一

三〇三

人王喆趁華筵壽諸公盡醴泉洗清明真可愛逢此景會神仙  
警史四哥

道非常道不和甜心苦把人磨申火焰誰能覓有從邪史四哥  
守時堂

常到此並無思愛前親每作詩說街中虛六案時堂裏見安時  
和遲法師韻

直弓彎射有爲中水湧兩相宜通道德遵公注意無爲只自知  
道友請食餅

上津生床餅粘中秀氣我心尖抵三餐真箇別圭滋味自然甜  
請史四哥啜茶



金間隔並無邪正其心趁彩霞段接生雲外物兒迴首得新茶  
學公擊鐘

重言語好相容口教公莫放慵裏猿兒先捉住人歡喜擊金鐘  
風火水已相忘內靈根降吉祥爾一言真箇妙年有分白雲堂  
題淨業寺雲版

言擊此眾僧間內新聲法雨分利天中振教響音誰悟鐵生雲  
勸崔彥橫

葉無風秋氣清天不語甚分明烏月兔長飛走我休爭勸彥橫  
題韓茂先藥舖

時性不似斯孩午身軀是死灰滅煙消悟真拙籠便是見蓬萊  
道藏輯要

重陽全真集

早

上胃集一

川三川

### 題木魚

根清淨尾尤頰潔身軀別有名內銜珠能會食辰須響腹中聲  
題溫涼扇

爲柄子緝爲腮爾勞勞救熱災院已離君莫怪余別有好風來  
儀作用覺心寬熱招風冷復攢竹柄兒堪執捧君無暖亦無寒  
贈浴堂

見公家澡浴堂控成就得清涼心便是清涼境要鑿空作洞房  
見董知縣會客坐上嘆落花

道王三已棄家羊滋味久相趨中貴胃皆春寐肯將心悟落花  
贈道友

從認得便休尋步移來動好音在公家如可見人自處水中金

仁法師說三六弟子王詰小名十八郎遂悟一十八戒

三三六不相干八郎來子細看下仁公傳妙語今已得免饑寒

五言絕句

化馬鈺未肯從欲鎖庵門坐百日示家風以化之鈺問先生寒冷否遂以此贈之

莫慮王風冷王風自不寒百朝飈地過出路你咱看

述懷

寶結三田聚蓮開五葉全藥珠宮裏看見箇日光圓  
有錢須得使不使太慙癡莫待荒郊裏臨風咬齒兒

道藏輯要

重陽全真集

空

上胃集一

攢三垢字并七言引子

如要讀時莫要思三言翻作七言詩若交日裏金雞叫須養蟾

中玉兔兒

三言絕句

贈馬鈺

馬相見 詰相戀 處庵中 做方便

三言律詩

王風子 總不求 分子午 旭春秋 炎離坎 出虎牛

鉛與汞 結成休

重陽子 仙豈求 思大洞 問中秋 槌金虎 鋸木牛

初午得 子時休

重陽子 詠好吟 從有口 詰無心 千篇就 萬首臨

出去也 臥高岑

重陽子 分正仙 鉛得鎮 汞憑泉 照開卦 見徹緣

神氣出 光昇天

藏頭詩書紙旗引馬鈺譚處端教化

呼知己亦如然滅煙消去覓錢地種成黃器壁峯長就白花蓮  
連直訪海邊友訪終南山下賢脉嬰兒麥田整邀風月五人圓

詞

黃鸞兒

道藏輯要

重陽全真集

上胃集一

堪嗟浮世如何度酒色纏綿財氣沈埋人人都緣四般留住因  
上上起榮華節節生迷誤總誇伶俐惺惺各鬪機關皆結貪妬  
今古幾箇便回頭肯與神爲主任從猿馬每每調和無由得  
知宗祖唯轉轉入枯崖越越投深土大限直待臨頭難免三途  
苦

心中真性修行主鍛鍊金丹津液交流澆淋無根有苗瓊樹常  
灌溉潤瑤枝密葉黃鸞語瑩靈聲韻明眸正覷嬰兒兌方騎虎  
堪訴姹女跨青龍四箇同歸去本元初得靜裏還輝迴光使胎  
仙舞應出上現崑崙得復蓬萊處我不妄想雲霞鸞鶴天然與

花心動

緊鎖心猿悟光陰塵世凡百年過速下手頓修元本真靈此日  
要除骸屋居家坑塹先須跳將身已便令孤宿靜无觸氣財色  
酒一齊隲逐俗景般般絕欲要捨盡爺娘共妻骨肉自在逍遙  
落魄清閑認取裏頭金玉瓊英瑤藥花心動放香味滿空馥郁  
異光簇祥輝燦爛結成九曲

### 玉堂春

得得修行能令捷徑走子午俱無何須卯酉只用兩珍於余堪  
厮守鉛汞從教結作毬 恁則成丹般般盡總透擺正真風名  
傳不朽搜出元初那箇爲的友到此方知是徹頭

又鎖門

### 道藏輯要

重陽全真集

聖

上霄集一

XOX

玉性金真人人皆可化玉液金丹頻頻迎迓玉兔金烏光光相  
次亞照玉欄千種玉芽 瓊藥金莖長生不謝玉女金童常  
常看舍玉鎖金匙門門開闢下賞玉堂春對玉花

有箇王風時時頻睡臥無夢無眠無災無禍白虎青龍自然交  
媾過水火相逢上下和 這箇因緣元來真打坐試問諸公應  
還會麼似我修持教君得功課不在勞形苦已多

### 驀山溪

贈文登縣駱守清

守清守淨各各開明性兩兩做修持你箇箇心頭修省虛虛實  
實裏面取炎涼尋自在覓逍遙漸漸歸禪定 教言教令一一  
須當聽急急上高坡便穩穩尋他捷徑之玄妙妙子細認天衢

行得正立來端步步蓮花並

又 于公索神龜詞

洪波浩浪澄湛源流遂此處隱神龜敢吸盡西江大水任眠任  
睡喘息幾曾聞能服氣會吞霞自在常遊戲 異光殊彩迸出  
真祥瑞火焰正炎炎便走在當中取利任燒任烙旋旋聚清涼  
能曳尾會搖頭獨上白蓮藥

又 歎驢兒

驢驢模樣醜惡形容最長耳鬚偏大更四隻腳兒輕快肌膚羸  
瘦佗處不能留挨車買更馱騎拽徧家家碓 任鞭任打肉爛  
皮毛壞問你爲何因緣箇甚於斯受罪忽然垂淚下語向余言

道藏輯要

重陽全真集

器

上胃集一

爲前世忒蹉跎欠負欺瞞債

換骨骸

歎脫禍不改過

昨遇饑年爲甚累增勸教怎奈向人人忒恇越貪心生狼妬百  
端姦巧計較騁風流賣俏也兀底 忽爾臨頭卻被閻王來到  
問罪過諱無談矯當時間令小鬼將業鏡前照失尿和骨骸軟  
了也兀底

幼慕清閑長年間便登道岸上高坡細搜修鍛遇明師授祕訣  
分開片段堪讚真性靈燦燦也兀底 功行雙全占逍遙出塵  
看翫親長天化成仙觀向雲中有一箇青童來叫喚風漢凡骨  
骸換換也兀底

又歎貪婪

嘆彼人生百歲七旬已罕皆不悟光陰似箭每日家只造惡何  
曾作善難勸酒色財氣戀也兀底 福謝身危忽爾年齡限滿  
差小鬼便來追喚當時問領拽到閻王前面熬漢和骨骸軟軟  
也兀底

又贈道友王十四郎

一斬紅崖按闊狹方能及丈橫梁架細如稗杖在中間誰做下  
柴窩圓樣被拉浪裏面把龜兒放也兀底 擬欲前行恐失腳  
怎生敢向退後來全無抵當謾搖頭空擺尾萬般惆悵轉悒快  
和殼兒軟脹也兀底

道藏輯要

重陽全真集

巽

上胃集一

黃鸞兒

思筭思等四假凡軀干甚厮翫元來是走骨行屍更誇張體段  
明靈慧性真燦爛這骨骸須換害風子不藉人身與神仙結  
伴

又鎖門

且住且住十月小春當宜鎖戶一百日鍊就重陽也並無作做  
渾身要顯唯真素掛靈明紙有信任他走玉飛金自恬然不  
顧

又韓公索歎世

且聽且聽汨汨塵勞如何得醒女男是玉紐金枷把身軀縛定

百年韶景風燈影怎留他光瑩早悟斯疾速修行永完全性命

玉性玉性玉鎖緊嚴金關牢釘玉房深百日清清玉輝光一併  
玉匙開闢通仙逕玉門中傳令玉童來便許全真玉皇宣已  
定

玉女搖仙佩

終南一遇醴邑相逢兩次凡心蒙滌便話修持重談調攝莫使  
暗隨偷適養氣全神寂稟逍遙自在閑閑遊歷覽清淨常行穴  
迪應用刀圭節要開闢三田會明靈結作般般光輝是勸先  
向天涯海畔訪友尋朋得箇知音成闖直待恁時將相同步處  
道藏輯要

重陽全真集

吳

上胃集一

處嬉嬉尋覓暗裏睺睺檄覷你爲作如何鋒鏑會舉箭張弓對  
敵百邪千魅戰迴純哲無愁感方堪教可傳端的

御街行

玉芝一味通賢聖這藥治真靈性虛空曰內穩鋪排金剛杵搗  
成精瑩摩訶般若蜜多和鍊熟後搓爲錠 大悲千手丸來正  
太陽火烹炮定堪宜下使用黃芽八瓊水共煎清淨從茲服了  
得長生便永永成功行

燭影搖紅

燭影搖紅暗垂珠泪如言語無情本不起斯因轉使余頻悟勸  
汝何須憂慮已當日終南遭遇拂開眸目剔正心神東臨瓊路

占真閑水雲遊歷成霞步天涯海畔是前期此處堪停住等  
候明明師父闡玄妙長生門戶彩霞光裏現出蓬萊相隨歸去

### 八聲甘州

處清涼界迥然間別開一家風得閑閑裏真甜美味甘露應  
同洗滌三焦六腑五臟盡玲瓏流轉無凝滯顛倒皆通 白氣  
充腸盈滿助起初本有唯要深窮待時時分明來往識西東恁  
方知惺惺容貌這般形狀出高穹圓成顯放光明照永住晴空

### 紅芍藥

這王喆知明見菊花堅操便將重陽子爲號正好相倚靠每常  
卻要綴作詩詞筆無停自然來到心香起印出仙經便實通顛

### 道藏輯要

重陽全真集

聖

上胃集一

川文文

倒便實通顛倒 早得得良因速推推深奧玄玄妙妙任窮考  
又更餐芝草白氣致使上下盈盈金丹結鍊成珍寶恁時節永  
處長生住十洲三島住十洲三島

### 留客住

但人做限百年七旬難與奪名爭利強恁徒勞辛苦金飛玉走  
催逼老死還被兒孫拖入土余今省悟捨攀緣愛念一身無慮  
歸去雲水長遊清閑得遇識汞知鉛氣滿精牢神聚金翁卻期  
黃婆匹配能養嬰兒姘女刀圭足數又蓬萊客至上仙留住

### 酌江月

正陽的祖又純陽師父修持深奧更有真尊唯是叔海蟾同居



三島弟子重陽侍尊玄妙手內擎芝草歸依至理就中偏許通  
耗 至今自在逍遙金丹傳得一點靈明好皆出幽微俱助正  
本有清虛顛倒復住晴空還居杳邈此事成須到將來去後恁  
時公等知道

本初面目稟三光精秀分來團聚得得成形惟自在應占逍遙  
門戶一箇靈明因何墮落撲入凡胎處輪迴販骨幾時休歇停  
住 搜獲虛幻身軀榮華富貴莫也非堅固頓悟如如緣合後  
深謝真師垂顧祕訣親傳依從做徹達了悲遭遇雲朋霞友並  
歸蓬島瓊路

### 摸魚兒

道藏輯要

重陽全真集

吳

上胃集一

嘆骷髏臥斯荒野伶仃白骨瀟灑不知何處遊蕩子難辨女男  
真假拋棄也是前世無修只放猿兒傻今生墮下被風吹雨滷  
日蹙更遭無數牧童打 余終待搜問因由還有悲傷那得談  
話口銜泥土沙滿眼堪向此中凋謝長曉夜筭論秋冬年代春  
和夏四時孤寡人家小大早悟便休誇俏騁風雅

### 戚氏

凍雲昌出入繚邈徧舒張直上玄凝滿空濃密現嘉祥六花妥  
瑤芳輕飛緩舞恣飄颺須臾漸漸俱縞物物因跡盡均粧選甚  
高下那拘遙迥一同不辨偏傍更新鮮潔靜添素加彩增至輝  
煌唯覩晃漾無方應是瑞氣接引在中央成佳致自然盈尺歲

稔時康 顯青蒼間點碧漢雲歸片段日放晶陽任溶任聚止  
是流酥獨許仙客堪嘗淡味偏能好渾如這玉液與瓊漿細想  
雖無馥郁便深宜寂暗藏香別生景趣盈盈再騰妙妙靜裏開  
真相復作冰爲寶玲瓏狀風剪剪聲韻璫璫夜靜來轉覺嚴涼  
運星斗皓月豈尋常最相當處明明瑩徹返照交光

### 拋毬樂

此來玄化塵世搜獲藏善忽長天嘉氣瑞瑞雲浪滔滔暫然敷  
徧聚鬢鬢濃結成雲漸浙瀝文橫飛霰廣布列列嚴凝凜凜寒  
威拋擲真堪羨似玉英瑤萼瓊花璧屑也知都被風刀細剪撒  
迥遙輕舞任他頽形如鋪練最均平同色甯辨 上高下低深  
道藏輯要

重陽金真集

晧 上胃集一

淺正比賢聖慈悲盡施救普與行方便奈晴空開口曜返照消  
殘舊面又還復故元醜般般皆見福薄分微重業自招遮了重  
重現勸汝懣急急捨彼就斯迴頭總願修持煅鍊功行兩雙全  
誠遠勝六出時間顯慶則好歸十洲清選

### 沁園春

自問從初少年如何每每所爲好細尋重想當時做作恐違天  
地或昧神祇及至如今恁貌顏將耄限盡臨頭著甚醫還知否  
有聖賢三教莫也堪隨 聞中認這慈悲更長熟名香寢見知  
把淨清靈密耀明顯一齊速鍊下手修持口印金科心傳玉訣  
舊業除消誠未遲搜前路得歸依玄妙證道無疑

王詰惟名自稱知明端正不羈更復呼佳號重陽子做真清真  
淨相從相隨每銳仙經長燒心炷水火功夫依次爲堪歸一處  
間然雅致有得無遺 偏宜用坎迎離聚珍寶成丹轉最奇結  
玉花瓊藥光瑩透頂碧虛空外捧出靈芝定作雲朋決成霞友  
自在逍遙詩與詞盈盈處引青鸞彩鳳謹禮吾師

### 玉蝴蝶

捉住玉山赤鳳神舟同泛激浪漂浮便使鳥龜開口顯出嘉謨  
吸洪濤枯乾北海吐巨波澆溉西湖自舒敷水紋花面皆是金  
鋪 光珠盈盈照耀恰如明月晃晃方隅普徧騰輝盡成霞彩  
覆環紆見圓珠深深漸現結寶丹空外趨踰得瓊途大羅天上

### 道藏輯要

重陽全真集

翠

上胃集一

### 永永惺惺

#### 南鄉子

好紙造成爲占得風來便有緣放出空中雲外路無邊休戀椿  
兒用線牽 端正莫教偏仰面人人指點賢從此逍遙真自在  
如然斷卻絲麻出世纏

### 永遇樂

抽文契

失笑王三元當幼小興了身體直至如今四十八上方是尋歸  
計獨擔辛苦爲誰歡樂決要檢抽文契這工錢不會取過從前  
並無縮繫 銳然走出沒人拘管欣許深根固蒂水畔雲邊風  
前月下占得真嘉致惺惺了了玲瓏清爽復入爛銀霞際一團

兒紅炎炎就中妙細

正好回頭堪當下手搜尋密妙此箇圓成無教沈溺須是令八  
曉火坑休認凡籠莫入兩事銳然先跳惺來後贏取三光時時  
頂戴長照一靈明一點常隨五彩九轉便通關要透出崑崙瑩  
傳清淨朗聽金雞叫月華輝耀星生盈滿此處玉花香裊得玄  
玄玄裏真宗這翻了了

水龍吟

若修仙子圓成永真誠做他上土明明了了惺惺灑灑搜尋妙  
旨決烈回頭是自不肯拖泥帶水便斬釘截鐵塵緣悉屏無望  
礙做清泚得長生久視更盈盈行功齊至頻頻囑付一靈耀  
金光早起五彩同如此相扶助入丹霄裏有青童接引前來迎  
迓執瓊瑤藥

川撥棹

酈都路定置箇凌遲所便安排了鐵床鑊湯刀山劍樹造惡人  
有緣覷造惡人有緣覷鬼使勾名持黑簿沒推辭與他去早  
掉下這屍骸不藉妻兒與女地獄中長受苦地獄中長受苦  
蓬萊路顯自在逍遙所現長生景瓊花玉葉金枝寶樹作善人  
得觀覷作善人得觀覷童子青衣掌仙簿行功成上昇去結  
就一粒金丹深謝嬰兒姪女永不遭三界苦永不遭三界苦

調笑令

道藏輯要

重陽全真集

至

上胃集一  
川上X

調笑說玄妙姪女嬰兒舞跳青龍白虎搖交叫赤鳳烏龜蟠繞  
驀然鼎汞召性命從茲了了 山峭日光照碧漢盈盈圓月耀  
森羅萬象長圍罩一道清風裊裊真靈空外天皇詔住在蓬萊  
關要

晝夜樂

便把戶門安鎖鑰內中更蘊奇畧安爐竈煉金精養元神修  
完丹藥一粒圓成光灼灼虛空外往來盤礴五彩總扶持也無  
施無作 冥冥杳杳非投託占盈盈赴盟約蓬萊路永結前期  
定長春瑤英瓊萼等接清涼光徧爍放馨香自然雲作裏面禮  
明師現真歡真樂

道藏輯要

重陽全真集

五

上胃集一

又 鍾公云鏡能照他人不能照自

百鍊青銅圓又小平平正吐靈耀向人前相對相觀別辨容顏  
分曉好醜姪妍并老少塵凡一齊勘校彼此假中來怎生通內  
貌 別有輝輝親密要煥心鏡主玄妙偏能會顯古騰今又能  
鑑從前虛矯豔豔光輝宜自効把當初性珠返照裏面得全真  
永明明了了

瑤臺月

達終南山

攜雲放肆投閑路清風明月長載迴光返照瑩徹澄波青黛髻  
鬢裏遠望嘉山靜至收歸甯海前生約今生在遇明了便明對  
相愛熙然景致順然聚會 這箇密妙堪費內外須常常頂戴

香煙起盤裊盡成雲蓋每從依仙伴同遊定處看霞軒神憑三  
曜通三昧論交友交泰無礙靈明一點逍遙自在

修行便要尋捷徑心中長是清淨搜推妙理認取元初瞻聽四  
象內只用澄鮮湛湛源流端正探深奧觀遙迥戴三曜依三聖  
功併仍兼行滿俱憑悟省 玉潤金銳光瑩吐彩豔重重永定  
靈明現圓象一團紅映向虛空冥杳騰輝在物外悠悠能整從  
來性本來命歸雲路出山頂堪慶蓬萊島遣青謹請

滿庭芳

劉公問貴賤

今世豐華此生貧窘筭來總是前緣榮枯好醜無黨亦無偏只  
在靈明布種唯招召善惡相傳花開謝開爲福地謝是禍心田  
道藏輯要

重陽全真集

卷

上旨集一

X三〇

英賢如速省時臻命至減勢藏權若能還使盡卻復如然好  
把根源取正休著染也莫孜煎推真妙不論貴賤便是大羅天

又

劉公索賢

智慧皆全癡頑總至兩般自是殊方一能明哲一箇性迷荒盡  
是靈中分定各分別此理昭彰還知否上人九竅下沒膏肓  
徬徨思這事暗中積行便得賢良稍胡爲做作愚戇來往奉勸諸  
公速悟行平等永永清涼真誠顯唯邀本有前路趁仙鄉

又

於京兆府學正來彥中處覓墨

毛穎歸余楮生從我陶泓三事奇瑰陳玄不止尙未得相陪日  
夜搜神定思在何處多隱文才誰堪訪高明上士唯有彥中來

渾材如見慧便教磨出雲浪恢恢書靈符寶篆救苦消災願  
使家家奉道人悟總免輪迴成功行前程路穩同去宴蓬萊

又 未欲脫家

未欲修持先通吉善在家作福堪當晨參夜禮長是藝名香漸  
漸財疎色滅看分寸營養翁娘擒猿馬吉來一句柔弱勝剛強  
從長凡百事先人後已勤認炎涼與六親和睦朋友圓方宗  
祖靈祠祭饗頒行孝以序思量逢佳節懽欣訪飲齊齊唱滿庭  
芳

又 欲脫家

既欲修行終全聞謚出離塵俗相當莫憑外坐朝暮起心香須

道藏輯要

重陽全真集

齋

上胃集一

是損妻捨事違鄉土趨卻兒娘常歸一民安國富戰勝又兵強  
長長瀟灑做搜尋玄妙認取清涼又憑空渺邈大道無方只  
在圓光自照明來後堪用衡量重陽子迎霜金菊獨許滿庭芳

又 修行

陰盡陽純命停性佳先須汞識錯知白堅黑固土馬木牛隨卯  
酉常從子午甲庚聚用坎迎離刀圭至震龍兌虎赤鳳鬪烏龜  
堪宜真水火癸丁鑪竈丹結何疑漱瓊漿玉液神水華池滋  
潤靈芽瑞雪日雞叫月兔推移金翁喜黃婆立便養姪女嬰兒

又 文登張公邵公要起玉花社

王喜身留玉花社舉此因都爲張侯迺而邵氏庵舍不能修後

悔人人猛悟兔兒起拋甚甄毬還知否斷絃無續覆水定難收  
休休各處分我雖眷戀誠沒回頭願諸公心內念憶同流別  
意離悰已動金蓮子光滿西州當歸去文登勝景不復再重遊

西江月

養甲爭如養性修身爭似修心從來作做到如今每日勞勞圖  
甚好把幽微搜索便將玄理思尋教君稍悟水中金不肯荒  
郊做恁

憶王孫

人云口是禍之門我道舌爲禍本根不語不言沒討論度朝昏  
便是安閑保命存

道藏輯要

重陽全真集

卷

上得集

三十一

蘇幕遮

少煩人稀赴會我自無恩莫把他人怪廉儉溫良身自在莫強  
追陪免得常耽債有錢時人見愛及至無錢親也全疎待且  
見世情如此態察盡人心暗想除非外

金雞叫

警劉公

占得虛空呈俊俏玄中玄妙中絕妙自然五彩通靈照一顆明  
珠萬道霞光罩淨淨清清冷冷曉曉昏昏默默冥冥窈窈森  
羅萬象輝輝耀月裏蟾鳴日裏金雞叫

桃園憶故人

瑠琉枝上瓊花皜蓓蔞間成瑪瑙烏玉葉兒偏好四件誰能討



靜中認得真家寶  
豔彩誠非草草  
唯有箇人知道  
共得歸蓬島

南鄉子

物物要休休  
打破般般是徹頭  
認得本來真面目  
修修一箇靈芽  
穩穩求火裏  
好行舟  
焰裏白蓮素臉  
幽馥郁風前  
通遠迥悠悠  
透過青霄得自由

又 誠人禮拜

堪歎這頑夫  
空恁區區用力  
麤五體相逢  
投地面休  
愚尙自勞勞  
禮假軀  
大道本虛無  
玄裏藏玄妙  
不敷內有元光  
人不識  
唯吾日日觀  
瞻自吸呼

道藏輯要

重陽全真集

癸

上胃集

物物不追求  
擺手行來事事休  
返照迴觀親面目  
無憂自在逍遙  
豈有愁  
乘此大神舟  
玉棹瓊棹渡正流  
剔出急波俱絕盡  
機謀超上十洲三島遊

又 于公索幻化

幻化色身饒電腳  
餘光水面泡  
忽有忽無過速甚  
如颯過隙白駒  
旋旋飄  
何不悟虛囂  
早早迴頭養玉苗  
苗上金丹光潑潑  
彰昭透過雲衢入碧霄

又 邵公索要下手修行

我命不由天  
熟耨三田守妙玄  
甘雨澤深先布種  
金錢徧地黃芽  
最色鮮  
養就玉花蓮  
葉葉分明永永堅  
瓊藥被風吹撒動

香傳一道靈光任自然

又風琴

妙手喜新成十六條絃別有名掛在宮中雲外路風迎便許能  
招自己聲不入俗人聆占得仙音講道經唯我傍邊全善聽  
叮嚀攜爾蓬萊在玉庭

小重山喻牛子

堪歎犢兒不喚牛性如湍水急碧波流只知甘乳做膏油長隨  
母擺尾搖頭漸漸騁無休奔馳山谷路入溪溝未從韁絆恣  
因由貪香草怎曉虎狼憂

堪歎寰中這隻牛龍門角子穩騁風流身如潑墨潤如油貪鬪

道藏輯要

重陽全真集

卷一 上胃集一

壯牽拽不迴頭 苦苦幾時休力筋都使盡臥犁溝被人嫌惡  
沒來由閑水草難免一刀憂

刮鼓社

刮鼓社這刮鼓本是仙家樂見箇靈童於中俊俏自然能做作  
長長把玉繩輝霍金花一朵頭邊爍便按定五方跳躍早展起  
踏雲腳早展起踏雲腳 會戲謔正洽真歡樂顯現玲瓏玎璫  
了了徧體纓絡遂引下滿空鸞鶴迎來接去同盤礴共舞出九  
光丹藥蓬萊路有期約蓬萊路有期約

恨歡遲

名詰排三本姓王字知明子號重陽似菊花如耍清香吐緩緩

等濃霜 學易年高便道裝遇淵明語我嘉祥指蓬萊雲路如  
歸去慢慢地休忙

### 山亭柳

急急迴頭得得因由物物更不追求見見分明箇把般般打破  
優游淨淨自然瑩徹清清至是真修 妙妙中間通出入玄玄  
裏面細尋搽了了達真幽穩穩拈銀棹惺惺駕大法神舟速速  
去超彼岸靈靈現住瀛洲

### 武陵春

天地唯尊人亦貴日月與星臨道釋儒經理最深精氣助神情  
四箇三般都曉徹丹結變成金裘上明堂透玉岑空外得知

### 道藏輯要

重陽全真集

五

上胃集

### 音

### 甘草子

塵所不肯修行箇箇貪歡聚轉轉戀榮華怎肯將心悟 直待  
陰公教來取便急與相隨去早被兒孫送歸土金玉誰爲主

迎仙客或曰既是修行因何齒落髮白答云我今年五旬  
五尙辛苦爲收穫耳

五旬五過半百諸公把我頻搜索眼如遮耳如聞口中齒豁頰  
上髭鬚白 外容蒼內容黑金花地上真粟麥稗兒鈿穗兒楠  
三車搬過便是迎仙客

### 惜芳時

諸公學休胡別且莫放猿顛馬劣閑中認得玄機設無言說自然歡悅 淨清便把虛空拽待問你不生不滅答言功行須交徹有眞師分明來接

甲龍入火分明看庚虎在水中遊翫往來相送同爲伴自然是兩家拘管 善能調養成片段裏外更使成交換空中有箇青童喚恁時節一衝霄漢

點絳脣

先生鎖門及十旬將啟戶又以梨一枚割做十分

與馬鈺夫婦二人食之既啟戶了唯鈺捨家緣做弟子至此耳又以詞贈之

十化分梨我於前歲生機構二人翁母待教作拏雲手用破余

道藏輯要

重陽全真集

堯

上胃集一

心笑破他人口從今後令伊依舊且伴王風走

俊蛾兒

勸吏人

見箇惺惺眞脫灑堪比大丈夫莫晞燈下俊蛾兒壞了命兒

早早迴頭搜密妙營養姪女嬰兒道袍換了皂衫兒與太上做兒做兒

南柯子

白鷺江心立烏龜水底鑽紅雞翡翠竹間攢四件將來鍋內鍊成丹 五味調和美重樓信任餐充盈六腑得甯康養就眞神跳躍入仙壇

會嘆風中燭能嗟水上漚一生一滅幾時休恰似輪迴來往業

淪流 知有驢和馬非無驟與牛等閑撲入怎抽頭幸得人身  
急急做真修

夜遊宮

身向深山寄寄步青峯恣情如意冷卽草衣慵卽睡饑餐松濕  
來後飲綠水 養就神和氣自不寒不饑不寐占得逍遙清淨  
地樂真閑入紅霞翠霧裏

江神子

虛中空外認盈盈喜前程看分明占得真堅慧照助新聲五座  
門開通出入任來迴好遊行 高峯上便縱橫結雲棚勢崢嶸  
袞出靈光一點似朱櫻彩色般般籠罩定處清涼永長生

道藏輯要

重陽全真集

卒

上胃集一

賀聖朝

修行須是身衣布受寂寥餐素道心不與眾心同絕憂愁思慮  
內中認取金烏聚并開明玉兔赤鸞抱住黑龜精這些兒誰  
悟

長思仙

柳公問識心見性

莫哦吟莫追尋這箇玄機奧最深如何識本心 好鈐擒好登  
臨明月孤輪照玉岑方知水裏金

蘇幕遮

滕奇放龜

此神龜深謝放厚德深恩杳杳冥冥廣毛寶當時還岸賞答報  
於公別有明明相 戲金蓮通指讓千載遐齡就壽增嘉况返

願精神添瑩朗一氣煩公送到雲霞上

又 秦渡墳院主僧覽

善看經能禮懺金面胭脂正好頻頻蘸轉轉殷紅紅不淡色裏  
全真真裏成清湛 仗鉛刀擊汞鑿劈暗鑿昏迸出銀霞艷萬  
道霞光攢一點般若波羅得得無增減

莫端身休打坐擺髓搖筋噓嚙稠黏唾外用修持無應和贏得  
勞神枉了空摧挫 要行行如臥臥只把心頭一點須猜破返  
照迴光親看過五色霞光覆熏珠明顯

五臺峯三耀刹八識俱明四象靈光匝羅漢回頭看菩薩佛果  
圓成這裏無言答 證虛无騰可恰清淨全扶澄湛尤相洽休

道藏輯要

重陽全真集

空

上胃集一  
卅七

袞神珠分等甲彩色傳輝再現黃金塔

又 寄與譚哥唐哥

訓人人休碌碌搜尋密妙長修福慧慧明燈參性燭謹謹營軀  
食食牟平祿 拜風風爲叔叔兩兩姪賢莫戀余相逐切切依  
從新格曲了了唐琳達達真譚玉

又 贈京兆藥市街趙公

趙公邀喫水飯顛顛珍珠粒粒靈芝蔓食就圓明生園苑開闡  
瓊花不作凡軀植 合三光分四憲壯起精神寶鼎童兒健五  
色霞光同一建此則充盈得得平生願

又 勸化醴泉人

醴泉人都作善急急光陰似水還如箭榮貴虛勞休自羨四假  
凡軀恰似蠶身緣 各縛纏誇做繭裏了真靈直待鍋兒煎這  
箇王三行方便不信之時不見害風面

又 勸化諸弟子

兄弟懣安腳手擘破微塵跳出三山口月出東方日入西焜耀  
明星三箇相隨走 氣傳清神運秀兩脈通和真行真功就衝  
上晴空光猛透方顯無爲始見歸無漏

又 贈京兆府王小六郎

這仁人忒伶俐問我修行便出非常意怎奈時間家事累更有  
一般妻子應難棄 勸明公休出離日熱名香謹把三光貴萬  
道藏輯要

重陽全真集

空

上胃集一

川八二

事心懷方便起歲舉時臻也到雲霞裏

又 勸修行

莫行功休打坐如要修持先把心猿鎖黑氣收歸無漏破慢慢  
昇騰保養靈真麼 姪娘嬉耍子臥搬上中田總向明堂過折  
得白蓮花一朵攜去虛空放出珍珠顆

又 勸同流

教門人聽我告清涕稠津喫了成虛耗五穀滓餘難化造恰是  
隈隴惹甚閑煩惱 會修行知顛倒別有一般滋味天然好神  
水華池通正道灌溉丹田指日歸蓬島

又 贈打車

本無情生有作都被良工妙手成軀殼黑犢黃犍推挽索牽入  
紅塵難免輪迴腳 靜中忙閑裏作怎得逍遙自在真歡樂直  
待白牛來跳躍一朶蓮花萬道霞光爍

又勸世

歎人身如草露卻被晨暉晞轉還歸土百載光陰難得住只戀  
塵寰甘受辛中苦 告諸公聽我語跳出凡籠好覓長生路早  
早回頭仍返顧七寶山頭作箇雲霞侶

望蓬萊

燒了庵作果有二弟子自甯海來復修蓋住

重陽子物物不追求雲水閑遊真得得茅庵燒了事休休別有  
好歸頭 存基趾決有後人修便做玲瓏真決烈怎生學得我

道藏輯要

重陽全真集

奎

上胃集一  
卅七

風流先已赴瀛洲

又

醴泉覓錢

醴泉好偏愛養貧兒爲破殫虛華業余從捉住儂猿兒無女又  
無兒 街兩面願助小錢兒同共買成金麥飯三時喂飽鐵牛  
兒耕種老嬰兒

真大道能結坎和離認取五行不到處須知父母未生時此理  
勿難知 須速省下手便修持上有三光常照耀中包二氣莫  
分離採得玉靈芝

修鍊者須要覓前程窈窕冥冥除我相昏昏默默絕人情真裏  
正中貞 方曉悟閑至淨中清物物般般都打破頭頭腳腳便



分明圓曜自然成

修鍊事子細好鋪陳外做四肢安樂法內觀五臟倒顛因便是  
得全真 堅守定營殼要申申二氣合和開本性三田搬運動  
靈神只此喚仙人

真大藥要見甚昭然二氣包囊三疊妙雙關封鎖九重玄自曉  
豈相傳 古仙頌兩句最精研凡骨渡河誠用筏聖功到岸不  
須船越越害風顛

猿馬住性命自然知一粒刀圭開四象兩般鎗法殺三尸神水  
溉華池 公看取便是坎和離土馬趕回金虎子鐵牛耕出玉  
龍兒方見遇明師

道藏輯要

重陽全真集

畜

上胃集一

川白二

真鍛鍊驅惑去迷昏踏碎月明通正路劈開風景入玄門方顯  
道家尊 無把捉一點出崑崙復住宮中超造化得歸物外越  
乾坤那論若亡存

重陽子飲水得良因洗滌塵勞澄淨至灌澆根本甲芽伸滋養  
氣精神 恬淡好甘露味投真滴滴潤開三教理涓涓傳透四  
時春流轉一清新

能下手便曉這元元爲甚得通三一法都緣悟徹五千言立起  
本根源 重著腳跳入水晶盤喚出那人人不識至今有自自  
揚掀越越害風虔

回首處便要識希夷鍛鍊須將情滅盡修行緊與世相違勘破

是歸依 蟾玉走認取箇金飛交位東西通地髓沖和上下合  
天機方得妙中微

修煉者四事倒顛論地水火風應化去色聲香味怎生存方是  
顯良因 全得得窈默與冥昏慧性來迴清淨路真靈出入妙  
玄門空外九光渾

真大道滋味不相饒月光中騰瑩瑩清風颯上出么么從此  
見芝苗 無狹闊又豈有迢遼圓現圓成成自在一能一得得  
逍遙方顯見彰昭

### 鶯啼序

鶯啼序時繞紅樹應當做主騁嚶嚶瑩瑩聲音弄晴調舌秤羽

### 道藏輯要

重陽全真集

奎

上胃集一

川文

潛身在朱林茂處愈綿蠻百般言語喜新鉛新汞俱齊叫歸宗  
祖 喚覺呼惺頓曉本元初天然規矩定分他甲乙庚辛九宮  
八卦門戶驅四象通推七返用千朝鍊成文武這金丹由此三  
年漸令堪覩

嬰兒跨虎姹女騎龍白雲招翠霧各各擎鋼刀慧劍接刃交鋒  
隱密藏機兩家無懼烏龜赤鳳前來降伏和合罷戰休兵戍被  
靈童結構同相聚從茲慢慢搜尋寶貝完全要見便教知數  
明珠萬顆吐出神光倒顛籠罩住送一條銀霞裊裊撞透清霄  
晃耀晴空徧開瓊路中間獨現真妙真之星冠月帔端嚴具把  
雙眸高舉頻回顧觀瞻了了清清真湛澄澄害風得遇

啄木兒

觀浮世爲人貴捨榮華全神氣保養丹田絕滋味便將來免不  
諱 自諳自諱修取長生計自誓自誓今朝說子細且通邊際  
開靈慧酒色財氣一齊制做深根永固蒂怎生得虎龍交位如  
何令姹嬰同睡把塵勞事俱捐棄二道合和歸本類想玄玄尋  
密祕

自行自行見性不用命自惺自惺黑颯先捉定使倒頭併唯堪  
詠兩脈來迴皆吉慶辨清清與靜靜 烏龜兒從茲警省放眼  
耀光明煥炳恣水中遊濤間逞望見赫曦山上景轉波恬又浪  
靜

道藏輯要

重陽全真集

奕

上胃集一  
川上三

自住自住離宮受坎戶自悟自悟汞中建鉛庫好頻頻顧長相  
覷上下冲和知去處漸漸入雲霞路 赤鳳兒飛來振羽飲盡  
烏江見水府與神爲主作宗祖只把刀圭長安撫方能教子伴  
午

自坐自坐木上見真火自哿自哿從前沒災禍兩見方安誠堪  
可潤葉滋枝成花朵結團團寶珠顛 翠霧騰空外徧鎖白露  
凝虛上負荷換構交睡同舒他性命方知無包裹不由天只由  
我

自臥自臥西方憩息麼自佐自佐靈臺聚真火發庚辛課相應  
和物物拈來都打破元來現此一箇 跳出後無小無大敲著

後不剛不懦便卻如這音聲那響亮玎璫明堂過遇玲瓏共慶  
賀

自知自知只此分明是自此自此得一並無四在虛空裏撒金  
藥萬道霞光通表裏復元初見本始要鍊之靈真範軌更不用  
木金火水把良因壘從心起方寸清涼無憂喜證長生併久視  
重陽子害風是王喆名知明字說修行旨沒虛詭啄木詞中  
開真理向諸公取知委

道藏輯要

重陽全真集

卷

上冊集一

正一天師清微弟子共百堅 製作

道教學術資訊網

